

20
Q. D. B. V.

DISSERTATIO INAUGVRALIS MEDICA
DE

VI NATVRAE HVMA- NAE MEDICA

RECTORE MAGNIFICENTISSIMO
SERENISSIMO PRINCIPE AC DOMINO
DOMINO

GVILIELMO HENRICO

DVCE SAXONIAE IVLIACI CLIVIAE MONTIVM
ANGARIAE GVESTPHALIAE RELIQA

PRAESIDE

IOANNE ADOLPHO WEDELIO

PHILOS. ET MED. DOCTORE THEORETICES P. P. ORD.

CONSILIARIO ET ARCHIATRO DVCVM SAXON.

ET ACAD. NAT. CVR. COLLEGA

PATRONO PRAECEPTORE AC PROMOTORE OMNI PIETATIS

AC VENERATIONIS CVLTV PROSEQVENDO

PRO LICENTIA

SVM MOS IN ARTE SALVTARI HONORES ET PRIVILEGIA

DOCTORALIA MORE MAIORVM LEGITIME CONSEQVENDI

PVBLYCO ERVDITORVM EXAMINI EXPOSITA

A

CHRISTIANO HENRICO DEESEN

GROENINGA-HALBERSTAD.

IN AVDITORIO MEDICO

AD D. IVN. MDCCXXV.

HORIS ANTE ET POST MERIDIEM CONSUVETIS.

IAENAE, LITTERIS IO. FRIDERICI RITTERI.

DISSECTATIO IN ANATOMIA MEDICA

ANATOMIAE HUMANAE LIBER MEDICUS

PRIMO TOME MAGNIFICENTISSIMO
SERENISSIMO PRINCIPIS AD DOMINUM
D. O. M. I. N. O.

GUILIELMO HENRICO

DOCTORI IN ANATOMIA ET CHIRURGIA
ACADEMIAE GYMNASII HENRICI

JOHANNI ADOLPHO WITTELLO

PRIMO TOME MAGNIFICENTISSIMO
SERENISSIMO PRINCIPIS AD DOMINUM
D. O. M. I. N. O.

DOCTORI IN ANATOMIA ET CHIRURGIA
ACADEMIAE GYMNASII HENRICI

PROFESSORI IN ANATOMIA ET CHIRURGIA
ACADEMIAE GYMNASII HENRICI

DOCTORI IN ANATOMIA ET CHIRURGIA
ACADEMIAE GYMNASII HENRICI

DOCTORI IN ANATOMIA ET CHIRURGIA
ACADEMIAE GYMNASII HENRICI

DOCTORI IN ANATOMIA ET CHIRURGIA
ACADEMIAE GYMNASII HENRICI

DOCTORI IN ANATOMIA ET CHIRURGIA
ACADEMIAE GYMNASII HENRICI

DOCTORI IN ANATOMIA ET CHIRURGIA
ACADEMIAE GYMNASII HENRICI



I. N. I.

§. I.

Vis naturæ humanæ medica est σύγκρισις & διακρίσις humorum vitalium morbosorum ita fiens, ut ad proportionem decentem redeant, particulæ morbosæ vero secerantur & excernantur, a constitutione partium corporis humani naturali, adhuc residua & prævalente, dependens.

§. II.

Vi huic medicæ quidam hodie ipsius morbi nomen, qui tunc adest, imponunt, cum tamen contraria morbo sit, eumque, si hæc maior sit, remoueat. Hinc morbum dicunt id esse, per quod homines a morte præservantur & saluantur. Hinc neminem feбри mori affirmant. Vbi per morbum, per febrim, minime, si mentem suam rite explicare cogantur, morbum & febrim eo in sensu, ut apud omnes reliquos medicos in usu est, sed hoc nouo sumunt. Adeoque verbis magis, quam re, reliquis contradicunt medicis, cum per morbi & febris nomen longe aliam & contrariam rem, quam ceteri, designent.

§ III.

Vim hanc a medicis olim neglectam fuisse, aliqui quidem autumant, minime vero rem ita se habere deprehendimus, si priscorum æque, ac reliquorum temporum, medicos consulamus. Modo enim naturæ, modo virium, modo coctionis nomine, & inprimis, ubi magis sensibus obuia est, per crisin designarunt. Ergo nullo modo internam actiuitatem residuam omisere, sed satis considerarunt. Licet non menti seu animæ rationali, prout hodiernis quibusdam facere placet, eandem tribuerint.

§. IV.

Generatim quidem vis medica motus quidam est, vel talis efficacia, qua morbi remouentur & sanitas restituitur. Cum autem non quilibet motus ad hanc rem, sed determinatus, aptus sit, clariorem eiusdem ideam habemus, si speciem aptam huius motus generis loco ponamus, & hæc est σύγκρισις & διάκρισις. Totum enim hoc negotium consistit in partium corporis humani, tam fluidarum quam solidarum, vitiatarum correctione. Nam his rite & bene se habentibus, actiones omnes, quæ secundum naturam sunt, exerceri valent, adeoque sanitas tunc iterum adest. Solidæ autem partes vitiatæ per fluidarum emendationem corriguntur, nisi quod interdum structuræ & vnitatis vitia manuum operam simul requirant, uti & aliquando fluidarum status morbosus chirurgia eget. Omnis igitur medela corporis humani ægroti, quæ vel sine chirurgia, vel præter eandem, fit, fluidarum partium in integrum restitutione absolvitur. Fluidarum vero vitium primum est qualitas & quantitas vitiosa, quod per σύγκρισιν & διάκρισιν tollitur.

§. V.

§. V.

Qualitas humorum quæcunque, hinc & morbosa, vniue a diuersarum particularum constituentium præsentia & proportionem dependet. Si igitur præsens qualitas in aliam mutari debet, alia harum particularum proportio requiritur. Alia & definita proportio obtinetur, si hæ particulæ certa & definita quantitate coniungantur & misceantur, & hoc est σύγκρισις, reliquæ vero, scopo huic inconuenientes, separentur, & remoueantur, & hoc est διάκρισις. Quantitas humorum vitiosa excedens per διάκρισιν partis superflue corrigitur, quam nonnunquam præcedit σύγκρισις, humores ad διάκρισιν præparans. In defectu vero peccans quantitas & σύγκρισιν, vt particulæ aptæ copiosius sibi misceantur, & διάκρισιν, vt reliquæ proportionem excedentes separentur, postulat.

§. VI.

Motu quidem etiam humores peccare possunt, sed hic ipse vel ab eorundem qualitate & quantitate, vel impellentis partis vitio, vel viarum culpa læditur. Qualitas & quantitas ad antedicta pertinet. Impellentis autem vitia ipsarumque viarum cum ab humorum qualitate vel quantitate itidem vel fiant, vel foueantur, non nisi eadem ratione abiguntur.

§. VII.

Vis ergo medica in σύγκρισις & διάκρισις humorum vitalium conueniente consistit. Conueniens autem tunc est, si ita fiat, vt humores vitales ad suam proportionem decentem redeant, morbosa vero particulæ secernantur & excernantur. Habemus in his consentientem Hippocratem nostrum, qui *lib. de Flatibus cap. III.* ἰατρικῇ,

inquit, ἐστὶ πρὸς θάλασσαν καὶ ἀφαίρεσις. ἀφαίρεσις μὲν τῶν ὑπερβαλλόντων. πρὸς θάλασσαν δὲ τῶν ἐλλειπόντων. ὁ δὲ κάλλιστε τὸ τοιοῦτον ἀριστὸς ἰητρός. ὁ δὲ τετὶς πλεῖστον ἀπὸ πηλαλαγμένῳ, πλεῖστον ἀπὸ ἡλλανταὶ καὶ τῆς τέχνης. *Medicina est appositio, & ablatio. Ablatio quidem excedentium, appositio vero deficientium. Optime vero hac faciens, optimus est medicus. Maxime vero in his deficiens, maxime etiam in arte deficit.*

§. VIII.

Hæc autem vis medica seu σύγκρισις & διάκρισις laudata vel a sola natura peragitur, vel a medico per remedia apta iuuatur & dirigitur, ut ita, arte accedente, illa quoque vitia sanari queant, quæ a natura sola vel nunquam, vel non adeo prompte, superari potuissent. Illa iam, quæ a sola natura, absque medici auxilio, perficitur hoc loco consideratur.

§. IX.

Per naturam humanam autem non intelligimus partem quandam hominis nobiliorem, seu animam rationalem, nec corporis quoque partem mouentem, seu principium vitale, sed omnium partium corporis humani constitutionem naturalem in morbis adhuc residuam. In statu naturali autem constitutio partium naturalis perfecta eandem naturam absoluit. Sequimur in hoc ipsum Hippocratem, qui in libro de natura humana elegantissime demonstrat, non vnam quandam partem naturam humanam esse posse, sed omnes, ex quibus tamen fluidas tanquam præcipuas & ad curationem primario spectantes ibi recenset, de reliquis autem alibi agit.

§. X.

§. X.

Recentiores quidem haud pauci animæ rationali vim hanc medicam tribuunt, & ideo quoque mentem humanam naturam vocant, existimantes, eandem motibus omnibus in corpore humano præesse, & eosdem dirigere ad certum finem, vt materia morbida per secretiones & excretiones, viarum & meatuum idonea constitutione, imò humorum iusta crasi in reliqua sua massa, tanquam instrumento materiali concurrente, tempestiue & mature amoueatur. Verum mentem finem illum, ad quem dirigi debent motus, haud cognoscere, nec motus ullos in potestate sua habere, nisi voluntarios dictos, imo in statu morbofo, sæpe nec in hos quoque ipsi ius esse, adeoque dirigere motus ad finem non posse, nisi voluntarios, & his median- tibus aliquando reliquos, sed remote & indirecte magis, in *Dissert. de Principio vitali* Magnificus D. Præses ostendit. Non ergo mens huius vis medicæ causa efficiens existit.

§. XI.

Imo motus hi, seu *σύνκρισις* & *διάκρισις*, vt a natura peraguntur, non sunt eiusmodi, vt a principio intelligente, finem cognoscente, & motus pro lubitu instituyente, immediate deriuari debeant, sed fiunt necessario, ob mixturæ partium minimarum proportionem & structuræ habilitatem, quam ipsi huius opinionis patroni agnoscunt & supponunt, illa enim est ante dicta iusta humorum crasis in reliqua sua massa, hæc autem viarum & meatuum idonea constitutio. His enim eodem modo se habentibus, eadem sit *σύνκρισις* & *διάκρισις*, siue velit siue nolit mens, mutatis autem iisdem etiam hi motus mutantur, & semper huic respondent constitutioni, quomodocunque se habenti, absque mentis directione.

§. XII.

§. XII.

Ob eandem rationem minime opus habemus, vt spiritibus animalibus hoc officium motus hosce dirigendi & ad finem proportionate gubernandi, tribuamus, quod nec facere valerent, nec requiritur, cum laudatæ conditiones hanc ad rem sufficiant, & etiam hic, quod fieri potest per pauca, per plura vt fiat, opus non sit. Concurrent tamen spiritus ad motus determinatos reddendos, minime autem hoc dicto, sed paulo ante laudato, & vltius explicando modo.

§. XIII.

Causa nempe efficiens nostrae *συνκρίσεως & διακρίσεως* est constitutio partium corporis humani naturalis adhuc residua & præualens, quæ vno verbo alias natura & quidem, hoc modo se habens, robusta, vel robur naturæ, dicitur. In omnibus enim morbis, quamdiu vita adest, reliqua adhuc existit constitutio quædam naturalis, hoc enim nisi esset, nulla actio vitalis posset edi, nec morbus, sed mors, adesset. Cumque morbus a constitutione partium præternaturali dependeat, hæc autem naturali contraria sit, in quantum illa augetur, in tantum hæc minuitur, & contra. Minori itaque gradu si adsit constitutio præternaturalis, quam naturalis adhuc residua, hæc præualens est; vri, si illa hac maior sit, succumbens hæc existit, & tunc quoque natura succumbens dici consuevit, æquali autem gradu si vtræque sit præsens, pugna naturæ & morbi quoque vocatur,

§. XIV.

Gradus itaque constitutionis præternaturalis & naturalis simul præsentis in omni morbo attendendus est, & inde quoque prognosis fundamentum suum obtinet.

Præua-

Præualente enim natura exitus salutaris, succumbente natura exitus lethalis, æquali autem gradu vtriusque præsentē dubius exitus est, & hic eo tandem tendit, quo postmodum gradus alterutrius vergit. Ibi igitur, vbi præualens est residua constitutio partium naturalis, vel ex dubia talis euadit, σύγκρισις & διάκρισις superius recensita fit, in reliquis autem minus, nisi arte postmodum accedente, succumbens visa præualens iterum reddatur.

§. XV.

Consistit autem humorum constitutio hæc naturalis residua & præualens in humorum vitalium morbosorum tali gradu intemperiei in eo, vt particulæ morbosæ, reliquis humorum partibus interpositæ, ob earundem qualitatem & quantitatem ita se habeant, vt harum proportionem & actionem quidem turbent, hæ vero in tali quantitate & qualitate adhuc permaneant, vt actiones inde dependentes non penitus cessent, sed superare morbosas queant. Adeoque qualitas & quantitas reliquarum bonarum partium humorum ita proportionata constitutionem hanc efficit. Partium solidarum autem constitutio naturalis residua conformationem & vnitatem tali gradu residuam notat, vt & actiones inde dependentes non penitus cessare cogantur, & reditus ad naturalem statum fieri queat, inprimis autem viarum & meatuum idonea constitutio adsit.

§. XVI.

Humores vitales morbosī igitur in se continent tam particulas morbosas, quam reliquas ex statu naturali residuas, & quidem hoc loco in dicta proportionē. Vtræque vero gaudent certa definitaque actiuitate, quæ omnino

B

motus

motus species est, vt omnis actio. Hoc equidem negare videntur recentiores quidam, & generatim motum materiæ denegant, & actum tunc sine agente putant, si materiæ insitum motum putemus, & ideo animam immaterialem motibus naturalibus & vitalibus præficiunt, vt agens obtineant, cum materiæ actiuitatem negent. Verum dum ipsi materiæ morbidæ vim fermentationem morbosam, imo putredinem, in sanguine excitandi, sanguinemque destruendi, assignant, vbi tunc est agens, si materiæ talis vis non comperat, sine motu enim hæc nec concipi nec fieri queunt. Necesse tunc esset, peculiarem animam in corpore motuum vitiosorum autorem vt statuerent, cum anima rationalis, iuxta eorundem sententiam, motus ad conseruationem corporis præstet, & contra hanc materiam morbidam agat.

§. XVII.

Materiæ morbidæ ergo dum vim & actiuitatem tribuunt vel concedunt, causa nulla est, cur humoribus sanis, vel eorundem partibus, efficaciam denegent. Partes enim constituentes, a quibus omnis humorum vis dependet, in vtrisque eadem occurrunt, sed aliâ proportionem, a qua hinc alia & diuersa efficacia oritur. Imo si in viuente homine particulæ humores constituentes nullum motum, nullam vim, nisi ab anima rationali, haberent, vndenam dependet ille motus, qui post mortem in putredine se exerit, vel vnde deriuabunt illum motum, qui in alimentis, ex quibus humores fiunt, prius quam in corpus assumuntur, obseruatur. Omnia enim vel fluida iam existentia, vel talia reddita, fermentationem, mutationem, corruptionem subeunt, si sibi reliquantur. Cum itaque particulæ humores constituentes, antequam in corpus recipiantur, & post

post mortem quoque, eundem suum motum, licet, ob conditiones alias praesentes, aliter determinatum, semper tamen earundem proportioni respondentem, obtineant, ne probabile quidem est, in viuento corpore hunc cessare, & mere passivas particulas has euadere, omnibus tamen requisitis reliquis praesentibus, vt motum exercere queant.

§. XVIII.

Quoniam itaque humorum vitalium morbosorum particulae constituentes salinae, sulphureae, reliquaeque actiuitate gaudent, & tali proportionione adsunt, vt in se inuicem agant, motumque intestinum excitent, necessario pro diuersa proportionione harum particularum diuersus hic motus, diuersa combinatio earum, seu σύγκρισις, fiet. Adeoque respondebit definita σύγκρισις definitae proportioni harum particularum, cum haec illius causa sit. Motus ergo hic definitus non ab anima rationali dirigente, vt quidam sibi persuadent, sed a definita harum particularum proportionione, dependet. Quodsi itaque harum particularum in humoribus morbofis talis adsit proportio, ac § XV diximus, etiam σύγκρισις eiusmodi fiet, vt humores vitales sibi restituantur, particulae morbosae vero secessum & excretionem subire possint, partium solidarum constitutione naturali reliqua concurrente.

§. XIX.

Motum autem humorum intestinum definitum a particularum constituentium proportionione definita dependere, vel exinde quoque constat, quod ille semper exacte huic respondeat, & hinc, laudata ante proportionione praesente, salutarem effectum habeat, inconueniente vero nimis proportionione praesente, effectum tristem post se trahat. Quodsi

autem ab anima rationali motus hic dirigeretur, & minime ex necessitate constitutionis laudatæ proveniret, alia sæpe ratione deberet institui. Hoc in iis morbis, qui, iam laudata proportionē præsentē, sponte sanantur, non ita manifestum euadit, quia effectus salutaris sequitur, licet absque tali directione. In reliquis vero morbis noxius ille motus ostendit, non a principio quodam cognoscente & libere motus ad finem dirigente, quo tunc maxime opus haberet, sed a constitutione hac enormiter vitiata eundem oriri.

§. XX.

Sic in febribus pulsus auctus & calor totius auctior sanguinis rarefactionem & acrimoniam sequitur, a miasmate talis conditionis in massa sanguinea hærente, adeoque a constitutione tali particularum constituentium euenientem. Vnde, quo actiuioribus salino-sulphureis rarefactiuis gaudet materia morbida particulis, eo magis etiam talis rarefactio & acrimonia, & per consequens, pulsus & calor auctus confurgit, sique proportio ea permaneat in humoribus ita affectis, ut præualens sit constitutio naturalis residua, febris sponte sanatur, sin minus, nec arte quoque illa restitui queat, lethalis euadit febris, & motus ille, qui pro salutari instrumento habebatur, destructionem præstat. Nam, si ex alimentis talem texturam habentia, ut aromata, vinum generosum, &c. ut & ex medicamentis acria, salino-sulphurea, volatilia, calorem sanguinis, eiusdem rarefactionem & pulsum augment, quod omnes concedunt, quid impedit, quo minus salinæ, sulphureæ, acres, materiæ morbidæ particulæ in sanguinem simile ius habeant. Cum autem recentiores quidam pulsum non a materia morbida, sed a principio vitali vel anima, ideo auctum putent,

tent, vt intentionem suam, nempe eliminationem materiæ morbidaë, obtinere possit, & inde quoque calorem auctum prouenire, probe animaduertendum est, motum hunc auctiorem in se aptum & proportionatum haud esse, vt eo mediante talis materia, quæ ex actiuioribus, rarefacientibus, sanguinemque exagitantibus particulis conflata est, tuto commodeque eliminari queat, cum semper, tam extra corpus humanum quam in corpore, per motum maiorem partes actiua vim & impetum maiorem recipiant, & sic maius damnum inferrent, adeoque motus hic auctus intentioni animæ adscriptæ magis est contrarius.

§. XXI.

Fatentur id ipsum in peste & febribus malignis, & agnoscunt, materiæ illi seu miasmati, efficacissime sanguinis massam putrefacienti, corrigendæ & expellendæ non conuenire commotiones maiores, & ideo quoque existimant, cum calor minor fere in talibus & subdolus adesse soleat, quod hic quoque ab anima instituat, vt lenis, æqualis & assidua expulsio materiæ illius fiat. Quanquam autem etiam hic calor mitior & subdolus minime ab anima rationali, sed a particularum, miasma hoc constituentium, ea conditione, qua partes sanguinis balsamica & spirituosæ cito vna destruuntur & resoluuntur, deriuandus est, tamen inde constare manifeste generatim potest, materiam febrilem quancunque nunquam actiuiorem reddendam, sed mitigandam & eliminandam esse, adeoque pulsus auctus, calorem auctum, vtilem ad id non esse.

§. XXII.

Idem confirmant ipsi, dum contrariam huic suo

principio curam instituunt, adeoque ipsi sibi minus constant. Nunquam enim, & recte quidem, in febribus quibuscunque adhibent pulsum & calorem augmentia, vel auctum conseruantia, sed potius minuentia & temperantia, uti sunt alexipharmaca & diaphoretica temperata, humectantia, aquea, acrimoniam salino-sulphuream mitigantia, absorbentia, nitrosa, acidula & similia. Quod si itaque recte ab anima institutus est motus, in pulsu, in calore, maior, cur non conseruant, cur minuunt potius? Nempe nunquam poterat alia ratione redire sanitas, quam per proportionem particularum humores constituentium restitutam, & proinde pulsum & calorem ad mitiorem naturalem gradum redactum, adeoque semper sibi constat veritas.

§. XXIII.

Ex his patere poterit, quod motus ille præternaturalis, qui vna cum constitutione partium naturali residua & præualente in morbis occurrit, huic sententiæ addictis imposuerit, ac si hic restitutionem ex morbis spontaneam efficeret, & ab animæ rationalis directione dependeret, cum tamen nihil minus ille præstet, imo non raro maior euadens, & constitutionem naturalem succumbentem faciens, secretionem & excretionem conuenientem impediat, & mortem sic inferat.

§. XXIV.

Idem, quod in febribus fieri diximus, videmus in inflammationibus euenire. Nam in his quoque motus massæ sanguineæ, in parte stasin concipientis, intestinus auctus a mutata particularum constituentium proportionem prouenit. Sanguis enim si in extremitatibus arterio-

larum

larum liberum transitum non obtinet, subtiliores & vna cum his serosæ tantum refluunt per venas, accessusque sanguinis fit maior, quam refluxus. Serosæ particulae insuper per poros sibi destinatos separantur, adeoque sanguinis partes actiuiores, seu salino-sulphureæ, copiosiores in parte hac iunctæ sunt. Hæ, remoto magis sero vel immixto, motum recipiunt maiorem, sulphur a salibus resolvitur, agitur, & hinc calor præternaturalis oritur. Quo maior hinc stasis, minorque reditus sanguinis, eo magis id fit, & si nihil sanguinis redire amplius valeat, summus motus intestini, & hinc inflammationis, fit gradus, nempe gangrenæ. Variat autem id etiam pro ipsius sanguinis conditione alias præsentē. Si enim salino-sulphureæ partes iamdum abundantes fuerint, longe promptior talis fit actiuorum actuatio. Si itaque etiam hoc loco particularum mutata proportio eo saltem gradu permaneat, ut § XV dictum est, etiam hic talis *σύνκρισις* sequitur, sin autem longius a statu naturali abierit, vel eiusmodi per motum intestinum fiat *σύνκρισις*, ut sanguis in pus mutetur, & fibrillæ quædam resoluantur, tunc quidem abscessus fit, reliquæ tamen partes ad frugem redeunt, ceteris consentibus, vel corruptio & destructio plenaria sequitur.

§. XXV.

Eodem modo, ac in febribus, motum hunc intestinum auctum non a proportionē particularum constituentium mutata, sed a principio vitali seu anima ortum, & ideo institutum, esse, contendunt quidam recentiores, ut eo ipso stas in sanguinis, in parte quadam factam, dissolvere intendat. Putant enim animam dirigere & restringere copiosorem sanguinem bene adhuc fluidum ad portionem illam motu suo iam priuatam, & dum ita sanguis

sanguis fluidus motu auctiore fortius per portiunculas illas concretas & coagulatas transpelleretur, non solum tumorem, ruborem & calorem oriri, sed etiam corpusculorum concretorum aliquam abrasionem, diuulsionem & discissionem obtineri. Animæ autem hæc vis licet nunquam adhuc ostensa vel probata sit, nec quoque probari possit, cum contrarium satis manifeste demonstrari queat, fingamus tamen, eandem posse dirigere & restringere sanguinem ad partem affectam motu auctiori & transpulso fortiori. Patebit tunc, quod etiam hic motus, si ita institueretur ab anima, non solum expedire statim haud valeat, verum etiam eandem magis augeat, grauioremque reddat.

§. XXVI.

Concretæ enim & coagulata sanguinis partes, quæ ex reliquis staseos causis adferuntur, a fortiore sanguinis accedentis impulsu diuidi, & sic fluidiores reddi, non possunt, cum pulsæ cedant, quantum possint, & sic impetu maiori in extrema minima vasculorum impellantur, & quasi incuneentur, vbi transpulso a sanguine per portiunculas concretas expectari haud potest, vndiquaque enim impactæ ita comprimuntur per angustiam meatuum, vt cedere, & transmittere sanguinem reliquum, nequeant. Adeoque sic abrasio, diuulsio & discussio ab hoc motu impetuosiori fieri non potest, sed potius, quo maiore impetu sanguis adfertur, eo plures extremitates arteriolarum ita infarciuntur, quæ, pacatiore motu sanguinis existente, liberæ permansissent, & hinc stasis inde non minuitur, sed potius augetur. Hoc etiam inuiti quoque fatentur, cum tumorem, ruborem, & calorem maiorem inde deriuent, quæ tamen minime a stasi resoluta vel imminuta, sed aucta

aucta potius dependent, quod enim tumorem, ruborem & calorem, maiorem facit, statim non expedire, sed potius augere potest.

§. XXVII.

In grauioribus inflammationibus, & inprimis partium internarum, cum febris vel iuncta sit, vel superueniat, imo etiam præcedat, iunctam vel superuenientem febrim non solum, vt omnes febres reliquas, ex morbis eximunt, sed etiam pro vnico salutaris spei & euentus subsidio & instrumento habent, quatenus, febrim calorem auctiorem totius, a pulsu aucto dependentem, esse, existimant, aliter autem, nisi motu locali seu circuitu sanguinis insigniter aucto & continuato, staseos tempestiuam discussionem fieri non posse, putant. Tantum vero abest, vt feбри mediante stasis expediri possit, vt non solum ob ante dictam causam, ratione impulsus maioris, maior stasis eueniat, verum etiam, ob rarefactas & acriores in feбри redditas particulas sanguinis, crispatura & strictura vasculis extremis inferatur, ob lympham dissipatam & imminutam ad coagulum & concretionem sanguis magis disponatur, & sic stasis & inde dependentia mala grauiora reddantur. Vnde & febris non raro antecedens non tam præcauet stasin & consequentem inflammationem, quam potius, si vehementior paulo sit, eandem infert. An vero causa, quæ malum ita, vt hoc modo febris, efficit, idem malum tollere & eadem prorsus ratione & inferre, & remouere possit, non tam dubium, quam veritati contrarium, est.

§. XXVIII.

Imo & hic quoque a recepta sua sententia in curatione eodém abire deprehendimus, vbi magis experientiam, quam allatam suam rationem sequuntur. Non enim solum fiente inflammatione, & recte, inprimis vr-

gente statu plethorico, sanguinis missionem commendant, ne affluxus ad partem affectam nimis copiosus fiat, sed etiam in facta affluxum maiorem non conseruant, vel augent, sed minuunt. Si autem affluxus sanguinis auctior & vehementior stasin expedire valet, & vnicum est eiusdem remotionis auxilium, cur eundem minuunt & temperant per venae sectionem? & cur in reliquis, quæ adhibent, remediis, ea in usum vocant, quæ affluxum maiorem minime vel augent, vel conseruant, sed potius, quæ eundem minuunt & temperant? adeoque potius contemperatio decens & resolutio blanda, quam impulsus auctus, stasi expediendæ apta est.

§. XXIX.

Vti autem sic, particulis actiuioribus & rarefacientibus in sanguine præsentibus, motus huius intestinus fit maior & progressius quoque augetur, ita tali constitutione humorum præsentæ, vt inertes minusque agiles particulæ emineant, motus intestinus quoque, hinc & progressius, minor, quam naturalis constitutio requirit, fit, & conformes effectus varii sequuntur, vt quandoque voluntarius motus amissus, v.g. in apoplexia, paralyti, &c. Atque hoc in statu, si anima rationalis motus fini & conseruationi conuenientes instituere & dirigere posset, id deberet efficere. Sed hic altum est silentium, & affirmant potius, principium vitale seu animam, cum prius frustra instituerit motus, iam ex tædio a motibus remittere, vel penitus abstinere. Ipsi vero ægri ita affecti, contrarium asserunt, anxie enim motus restitutionem desiderant, desiderium autem hoc est ipsius animæ, potestne autem eodem temporis momento adesse & abesse hoc desiderium? quod, tædio præsentæ, fieri deberet. Ergo ex recensitis manifestum est, motus hos, vel auctos vel imminutos, in morbis occurrentes ad abigendum & sanandum

SERENISSIMO PRINCIPI
AC DOMINO,
D O M I N O
FRIDERICO ANTONIO

PRINCIPI IN SCHVVARTZBVRG
S. R. I. QVATVOR VIRO
COMITI IN HOHENSTEIN
DYNASTAE ARNSTADII,
SONDERSHVSÆ, LEVTENBERGÆ,
LOHRAE ET CLETTENBERGÆ

PIO, FELICI, AVGVSTO,

PRINCIPI AC DOMINO MEO
CLEMENTISSIMO,

SERENISSIME PRINCEPS AC DOMINE,
DOMINE CLEMENTISSIME

OMOTIA CLEMENTISSIMA

SVbmiffissimo animo beneficiorumque memori singulari illam, qua me ignotum atque immerentem superiori tempore, quo me benefica sidera Rudolphopolin inuitabant, non dedignatus es, recole gratiam. Traducit me adhuc ad admirationem fulgentissimus AVLAE TVAE splendor & mirifica in subiectos effusa gratia. Et sane quo diligentius omnia perpendo,

eo magis **RESPUBLICA TVA** reipublicae microcosmi-
cae quodammodo similis esse videtur. In ea scilicet
anima in ipso Palladis mnemosynesque delubro suas
potissimum exsequitur actiones, post habitisque reliquis
propemodum actionibus corporeis, incredibili finis in-
finiti, cui a Deo O. M. destinata est, fertur desiderio.
Substant huius imperio partes spirituosae, subtilissimae
& mercuriales Massae sanguineae, quae quasi sunt mini-
stri & portitores animae. Ad suum quaeque pars finem
est disposita, ut partes haec, impetum facientes, Hippo-
crati dictae, reliquaeque cum causa morbifica, negotium fa-
cessente, pugnam pugnare adeoque natura vi sua Medica
quicquid est peregrinum in corpore, eliminare valeant. Pa-
ri sane ratione **TV, OPTIME PRINCEPS**, anima quasi es
Reipublicae **TVAE**, es **PATER PATRIAE** cumque a sum-
mo Numine altioribus sis dicatus, omnem operam, cu-
ram, industriam, cogitationem, mentem denique om-
nem in possessionem veri & boni collocas sapientissi-
moque tuo rerum moderamine toti orbi Europaeo inii-
cis admirationem **TVI**. Quae cum ita sint, **CONSILIA-
RII TVI** summa prudentia, vera scientiae eruditionisque
laude, plurimo rerum usu, praeter ceteros spectati in
TE vnice intuentes veluti partes summe actiuae spirituo-
sae in corpore, animae imperio subiectae, ad sapientissi-
mam se **TVAM** conformant voluntatem maximeque
consilio; studio, labore, grauitate de patriae salute ni-
tuntur. O felicem rempublicam, vbi sapientes impe-
rant, vbi imperantes ad solidam sapientiae contendunt
gloriam! O omnibus numeris **ABSOLVTISSIMUM PRINCI-
PEM**, in quo omnia decantatissima **CELEBRATISSIMAE DO-
MVS** virtutum emicant ornamenta! Ecquis vnquam est,
quin Guntheri ad Imperatoris dignitatem euecti, Gun-
theri bellicosi, Christiani Guntheri diuique parentis

optimi Ludouici Friderici res fortiter laudabiliterque
gestas cognouerit? Equis vero est omnium rerum ita
ignarus, vt TE omnium ac singulorum virtutes plenis-
sime exæquare nesciat? quid? quod si a Gunthero Im-
peratore discessero, eorum excedis fastigium, Principis
præ TE ferens splendorem.

Serena suscipe fronte hancce subiectissimi obse-
quiosissimique animi tesseram. Suscipe&, quæ tua sin-
gularis est in Musas Clementia, SERENITATI TVAE
me meaque de meliori nota sint commendata studia.
Seruet TE Deus, SERENISSIME PRINCEPS, DOMINE
CLEMENTISSIME, seruet TE cum SERENISSIMA DO-
MO fartum tectumque in Nestoreos vsque annos ab o-
mni incommodo. Seruet TE Deus, FRIDERICE AN-
TONI, Pie, Felix, Auguste,

SERENITATI TVAE

Athenis Salanis

CIO IDCC XXV.

subiectissimus seruus

CHRISTIANVS HENRICVS DEESEN.

dum morbum aptos non esse, quin morboſi ipſi ſint. Ergo a principio intelligente, & ad finem cognitum proportionate motus dirigente, eosdem haud prouenire, ſed potius a conditione & proportionē particularum humores conſtituentium & partium ſolidarum conſtitutione tunc praefente dependere, certum eſt.

§. XXX.

Eadem igitur partium humores conſtituentium proportio, quae definitum motum inteſtinum praestat, etiam humorum determinatam in partes ſolidas efficaciam reddit, quod vel ex iam recensitis exemplis conſtare poteſt. Motus hinc naturales & vitales, quae per ſolidas partes ab his peraguntur, itidem exacte huic proportioni ſemper reſpondent, niſi ipſae ſolidae, vitium iam aliud ſuſtinentes, determinationem aliam motus ſimul praebant, & ideo quoque arbitrariae & in animae rationalis poteſtate non ſunt, & hoc in ſtatu naturali ac praeternaturali ita ſe habet. Atque ob hanc cauſam per motus hosce morboſos proportio partium humores conſtituentium haud corrigitur, cum illi ſint huius effectus, ſed inuerſa ratione, hac per *σύνχεσιν* & *διάνχεσιν* emendata, illi etiam proportionem decentem recipiunt.

§. XXXI.

Quoniam autem particularum humores conſtituentium proportio, ſuperius dictam *σύνχεσιν* faciens, etiam partium ſolidarum conſtitutionem naturalem adhuc reſiduam & praeualentem ſupponit, ſciendum eſt, proportionem illarum per hanc determinari, vel ob motum progreſſuum huius cauſa adhuc ſatis liberum, ſeu non nimis a ſtatu naturali recedentem, vel ob alias accedentes, alias ſecedentes particulas, non tamen ultra modum. Dum vero, ob proportionem ſæpius tactam, per motum inteſtinum particulæ legitimæ ſibi intime & decenter magis magisque iunguntur, eo

ipso, *σύνχρσις* ita fiente, *διάχρσις* morbosarum vna contingit, ita tamen, vt peregrinæ a reliquis quidem secedant, minimeque amplius intime mixtæ sint, confusæ tamen permaneant. Et hoc cœctio veteribus dicebatur, & per urinam quoque se manifestat, quatenus prius sine sedimento excreta, tali *σύνχρσις* fiente, sedimentum, & hinc separationem seu *διάχρσιν*, exhibet.

§. XXXII.

Nondum vero sufficiens hæc est *διάχρσις*, sed eliminari debebat penitus ex corpore, vel factum ex massa sanguinea. Illud contingit per organa secretoria ordinaria, per poros cutis, per urinarias vias, aliquando per aluum, per vomitum, per hæmorrhagiam; hoc autem, si vel ad superficiem cutis, vt in variolis, morbillis, & similibus, vel ad aliam quandam partem, decubitus materię separata fiat, ubi denuo *σύνχρσις* & *διάχρσις* nouam subit. Quod vero vel ad hanc vel aliam viam feratur materia hæc secedens, itidem a particularum, humorem hunc separatum & excernendum constituentium, proportionē prouenit, minime vero a destinato principii vitalis seu animæ consilio. Prout enim magis per poros cutis exhalabiles partes, vel fixiores ad urinarias vias magis vergentes, vel bilis stimulum, ad alui vel per vomitum excretionem, augentes, continet, illuc ordinarie magis vergit, quod & ipsarum partium excretioni dicatarum conditio, vt promptiorem ibi exitum habere queat, promouet.

§. XXXIII.

Decubitus autem in superficie corporis, vel alia quadam parte, facientes, vel ob acrimoniam coniunctam ibi magis explicatam, vel ob visciditatem ibi magis auctam, stasis excitant, crispaturam & coarctationem vasculorum extremorum vel obstructionem eorundem inferendo. Ibi subsistentes, ob definitam particularum constituentium proportionem, itidem motum intestinum determinatum & hinc nouam *σύνχρσις* subeunt, quam sequitur postmodum *διάχρσις*, vt vel insensibiliter dissentur, vt in morbillis, vel suppuratio accedat, vt in variolis & abscessibus. Omnia hæc clariora adhuc euaderent, si ad specialiora transire iam liceret. Patesceret etiam vna methodum medendi genuinam his fundamentis solidioribus insistere. Speciminis autem loco hæc sufficere iam queunt, vnde considerationis huius facilius finem,

SOLI DEO GLORIA!